

UKWELI UNAPASWA KUJUA.

CHANJO INATOLEWA BILA MALIPO KWA WATU WOTE.



- Hupaswi kunyimwa chanjo ikiwa huwezi kulipa.
- Chanjo ni za bila malipo kwa kila mtu, bila kujali hali yako ya uhamiaji au kama una kitambulisho au bima ya matibabu.


Chanjo hukulinda kutokana na kuambukizwa COVID-19.

- Ikiwa bado utaambukizwa COVID baada ya kupewa chanjo, chanjo hukulinda usiwe mgonjwa sana.
- Hata ikiwa ulikuwa na COVID-19, bado unapaswa kupewa chanjo.
- Pata dozi zote za chanjo ya COVID-19, ikiwa ni pamoja na kupata dozi za kuimarisha kinga ya mwili unapostahiki.



Chanjo za COVID-19 ni salama na zenye ufanisi. Chanjo HAIWEZI kukuambukiza COVID-19.

- Ni salama kupata chanjo kuliko kuambukizwa COVID-19.
- Mamilioni ya watu wamechanjwa kwa usalama.
- Hakuna chanjo nyingine ambayo usalama wake umechunguzwa zaidi ya chanjo hii nchini Marekani.
- Chanjo imethibitishwa kuwa salama kwa maelfu ya watu, wakiwemo watu wa rangi, kabila na umri tofauti tofauti.
- Chanjo ya COVID-19 haibadilishi DNA yako.



ATHARI NI ZA KAWAIDA.

Athari HAZIMAANISHI umeambukizwa COVID-19.

- Athari humaanisha kuwa chanjo inafunza mwili wako jinsi ya kupigana na COVID-19.
- Athari zinaweza kujumuisha:
 - Maumivu au kuvimba kwenye sehemu ya mkono ambapo ulidungwa sindano ya chanjo.
 - Maumivu ya kichwa, baridi au homa ya joto.
- Ukijihisi mgonjwa, pumzika kwa siku chache hadi uhisi nafuu kisha urejee kazini.
- Utahitaji kukaa kwa muda wa dakika 15–30 baada ya chanjo yako ili uhakikishe huna mzio.



Chanjo za COVID-19 haziathiri kubalehe au uzalishaji wa siku zijazo.

Chanjo ni salama kwa watu wanaotaka kupata watoto siku zijazo na kwa watu ambao ni wajawazito au wanaonyonyesha.

Chanjo HAZINA

- Vihifadhi
- Mayai
- Bidhaa za nguruwe
- Gelatini
- Lateksi
- Virusi vyovyote hai vya COVID-19

Pata dozi zote za chanjo

- Chanjo za COVID-19 hukulinda dhidi ya kuugua sana, kulazwa hospitalini, na kufa.
- Kupata dozi zote za chanjo ya COVID-19 ni muhimu katika kukulida zaidi.
- Kupata chanjo zote kunamaanisha kupata dozi zote mbili za chanjo inayodungwa mara mbili, na kisha kupata dozi zozote za nyongeza unazostahiki.
- Iwapo hujapata chanjo zote, kuna uwezekano mkubwa wa kuambukizwa COVID-19, kuwa mgonjwa sana au kufa, na kuisambaza kwa wengine.

KAA SALAMA BAADA YA KUCHANJWA.

Kwa wakati huu, wataalamu hawajui chanjo itakulinda kwa muda gani. Hata baada ya kupata chanjo, endelea:



Kuvalia barakoa.



Kuhakikisha hukaribiani na watu.



Kunawa mikono yako mara kwa mara.



Kusafisha sehemu zinazoguswa mara kwa mara.



NRC-RIM

National Resource Center for
Refugees, Immigrants, and Migrants

Ili upate maelezo zaidi, tembelea: [cdc.gov/coronavirus](https://www.cdc.gov/coronavirus)